

Das Ander Buch.

Von Materien der Biere in sonderheit.

Vnd Erstlich von dem Wasser.

Die Erste vnd fürnem-
ste Materia der Biere / ist
Wasser / Das man trincken
kan / feucht vnd kalt / welches
an sich nimpt / Die qualiteten
vnd eigenschafft der Dinge / Damit es ver-
mischet / vnd gemenget wird / oder damit
man es seud vnd fochet. Denn wan es
mit kaltem zusatz gefochet wird / so wirds
kalter eigenschafft / wirds dann auch / mit
einem warmen zusatz gefocht / so nimpts
eine warme eigenschafft an sich / vnd ver-
leurt / oder verlest seine eigene Natur.

Das Wasser aber ist mancher ley / vnd
vnterscheiden / Als nemlich / fliessende
Wasser / Seewasser / Brunnenwasser /
Quellwasser / vnd Regenwasser / Vnd ob
wol benante Wasser / einen vnterscheid ha-
ben / so sein sie doch alle / zu dem brawen
bequem / vnd düchtig / Aber eins mehr
denn das ander.

An etlichen örtern der Seelande / bra-
wet